



Jadual Pembacaan Khutbah Jumaat

2/ 2024 (Februari 2024)

تاریخ	تاجوق	بیل
2 Februari 2024M/ 21 Rejab 1445H	Rejab Yang Istimewa	1.
9 Februari 2024M/ 28 Rejab 1445H	Israk Dan mikraj: Perkara Ghaib Tanpa Soal	2.
16 Februari 2024M/ 6 Sya'aban 1445H	Perpindahan Kiblat Di Bulan Syaaban	3.
23 Februari 2024M/ 13 Sya'aban 1445H	Bulan Syaaban Yang Dekat di hati	4.
Khutbah Kedua		

دبیایاء:



زكاة فولاو فینغ

دتریبتکن:



جابتن حال إحوال اکام اسلام فولاو فینغ

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBhg. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Tuan Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Bulan Syaaban Yang Dekat Di Hati

23 Februari 2024M/ 13 Sya'aban 1445H

إِنَّ الْحَمْدَ لِلَّهِ، نَحْمَدُهُ وَنُسْتَعِينُهُ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا،
وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَهُوَ الْمُهْتَدِ، وَمَنْ يُضِلِلْ فَلَنْ تَجِدَ لَهُ وَلِيًّا
مُرْشِدًا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُ اللَّهِ وَرَسُولُهُ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، وَمَنِ اتَّبَعَ سُنَّتَهُ وَاقْتَفَى
أَثَرَهُ بِإِحْسَانٍ إِلَى يَوْمِ الدِّينِ .

أَمَّا بَعْدُ، فَاتَّقُوا اللَّهَ يَا عِبَادَ اللَّهِ، وَلَا تَمُوتُنَّ إِلَّا وَأَنْتُمْ مُسْلِمُونَ.

PARA TETAMU JUMAAT YANG DIKASIHI OLEH ALLAH SEKALIAN,

Khatib ingin menyeru supaya kita bersungguh-sungguh meningkatkan keimanan dan ketakwaan kepada Allah **سُبْحَانَهُ وَتَعَالَى**. Takwa boleh ditingkatkan dengan kita mentaati segala arahan Allah dan meninggalkan perkara-perkara yang ditegah oleh Allah. Hasil ketakwaan yang tinggi akan membawa kita beroleh kejayaan di dunia dan di akhirat.

Selain itu, khatib juga ingin mengingatkan sidang hadirin sekalian agar memberi fokus dan mendengar dengan bersungguh-sungguh khutbah Jumaat ini. Janganlah leka bermain gajet, tidur dengan sengaja atau berbual-bual kerana perbuatan-perbuatan tersebut bertentangan dengan adab mendengar khutbah dan boleh mencacatkan pahala.



Marilah kita bersama-sama mendengar dan menghayati khutbah Jumaat yang mengangkat tajuk “**Bulan Syaaban Yang Dekat Di Hati.**”

SIDANG JUMAAT RAHIMAKUMULLAH,

Bulan Syaaban adalah bulan yang istimewa di hati Rasulullah ﷺ. Baginda memuliakan bulan ini dengan memperbanyak amal soleh terutamanya ibadah berpuasa. Saiyyidatina A'isyah رَضِيَ اللَّهُ عَنْهَا pernah memberitahu Abu Salamah رَضِيَ اللَّهُ عَنْهُ bahawa:

“Nabi ﷺ tidak pernah berpuasa pada suatu bulan yang lebih banyak daripada bulan Syaaban. Baginda berpuasa pada bulan Syaaban seluruhnya.”

﴿Hadis Riwayat Al-Bukhari﴾

Al-Hafiz Ibn Hajar Al-Asqalani رَحِمَهُ اللَّهُ menyatakan bahawa maksud bulan Syaaban seluruhnya adalah Rasulullah ﷺ berpuasa pada sebahagian besar daripada keseluruhan bulan Syaaban.

Bukan sekadar puasa sunat, Syaaban juga boleh digunakan sebagai waktu untuk menyelesaikan puasa Ramadhan yang ditinggalkan. Saiyyidatina A'isyah رَضِيَ اللَّهُ عَنْهَا mengungkapkan dalam sebuah hadis yang diriwayatkan oleh Imam Al-Bukhari yang bermaksud:

“Aku mempunyai hutang puasa wajib di bulan Ramadhan, aku tidak dapat menggantikan puasa tersebut kecuali di bulan Syaaban.”

Oleh yang demikian, sebagai umat yang sayangkan Nabi Muhammad ﷺ sudah sewajarnya kita mengikuti amalan Baginda yang meningkatkan amalan puasa sunat di bulan Syaaban ini. Allah ﷻ berfirman dalam surah Ali Imran ayat 31:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ ﴿٣١﴾

Maksudnya: *“Katakanlah wahai Muhammad: “Jika benar kamu mencintai Allah maka ikutilah aku, nescaya Allah mengasihi kamu serta mengampunkan dosa-dosa kamu. Dan ingatlah, Allah Maha Pengampun, lagi Maha Mengasihani.”*

MUSLIMIN RAHIMAKUMULLAH,

Kelebihan dalam bulan Syaaban ditambahkan lagi dengan kehadiran suatu malam yang disebut sebagai malam Nisfu Syaaban atau malam pertengahan Syaaban. Keistimewaan malam ini direkodkan melalui hadis yang diriwayatkan oleh Ibn Hibban, daripada Muaz bin Jabal رَضِيَ اللَّهُ عَنْهُ. Bahawa Nabi ﷺ bersabda yang bermaksud:

“Allah ﷻ melihat kepada hamba-Nya pada malam nisfu Syaaban dan Allah akan memberikan pahala kepada seluruh hamba-Nya melainkan mereka yang melakukan kesalahan syirik dan orang yang bermusuhan.”

Selain itu, Allah akan mengurniakan keampunan kepada hamba-Nya yang menagih keampunan pada malam tersebut. Al-Imam Asy-Syafi'e pula pernah menukilkan dalam kitabnya Al-Umm yang bermaksud:



“Telah sampai kepada kami bahawasanya selalu dikatakan bahawa permohonan akan dikabulkan dalam lima malam iaitu malam Jumaat, malam hari raya Aidiladha, malam hari raya Aidilfitri, awal malam di bulan Rejab dan malam Nisfu Syaaban.”

Walaupun tidak ada amalan atau ibadah khusus yang dianjurkan pada malam Nisfu Syaaban seperti solat, doa atau bacaan-bacaan tertentu, namun kita digalakkan supaya melaksanakan ibadah-ibadah wajib dan sunat dengan sebanyak mungkin. Hasilah malam tersebut dengan membaca Al-Quran, berzikir, solat tahajjud dan sebagainya agar mendapat ganjaran berlipat ganda.

SIDANG JUMAAT YANG DIRAHMATI ALLAH SEKALIAN,

Walaubagaimanapun, agak menyedihkan apabila kemuliaan bulan Syaaban tidak begitu diberi perhatian oleh sebahagian umat Islam. Rasulullah ﷺ pernah menyatakan bahawa kedatangan Syaaban tidak begitu diraikan dan disambut dengan penuh kesyukuran. Keadaan ini disebabkan ada yang lalai dalam merebut ganjaran serta kelebihan yang Allah sediakan sepanjang bulan ini. Mereka tidak mengambil kesempatan untuk beramal ibadah sebanyak mungkin seperti dalam bulan Ramadhan.

Gambaran ini disebutkan oleh Rasulullah dalam sebuah hadis yang maksudnya:

Usamah bin Zaid berkata: *“Aku bertanya Rasulullah tentang Syaaban kerana aku tidak pernah melihat Baginda banyak berpuasa sunat sebagaimana Baginda berpuasa pada bulan Syaaban. Baginda menjawab: “Bulan yang banyak manusia lalai dan bulan tesebut adalah*

di antara Rejab dan Ramadhan. Pada bulan Syaaban akan diangkat segala catatan amalan hamba kepada Allah. Dengan itu, aku amat suka supaya diangkatkan segala amalanku ketika aku sedang berpuasa.”

﴿ Hadis Riwayat Ahmad dan An Nasai ﴾

Ibn Rajab Al-Hambali dalam mensyarahkan hadis ini menyatakan bahawa bulan Syaaban terselindung di antara dua bulan yang penting. Dua bulan tersebut adalah bulan haram iaitu bulan Rejab dan bulan Ramadhan. Kelebihan yang ada pada kedua-dua bulan tersebut menyebabkan orang ramai berlumba-lumba membuat amal kebaikan sehingga mengabaikan bulan Syaaban.

MUSLIMIN RAHIMAKUMULLAH,

Mengakhiri khutbah, khatib ingin merumuskan empat perkara penting agar bulan Syaaban menjadi dekat di hati kita:

Pertama: Bulan Syaaban adalah salah satu bulan yang sangat istimewa dan memiliki kelebihan yang amat bermakna dalam Islam.

Kedua: Amal kebaikan kita mesti dilipatgandakan pada bulan ini sebagaimana yang diamalkan oleh Rasulullah ﷺ terutamanya puasa sunat. Ia juga adalah sebahagian daripada persiapan kita menghadapi Ramadhan.

Ketiga: Gunakanlah peluang di malam Nisfu Syaaban untuk meningkatkan amal ibadah wajib dan sunat seperti solat berjemaah, solat tahajjud, membaca Al-Quran, berzikir dan sebagainya.

Keempat: Rebutlah peluang keemasan yang terhampar pada bulan Syaaban untuk meraih keampunan dan keredhaan Ilahi kerana Allah سُبْحَانَهُ وَتَعَالَى سِدِّيقُهُ sedia memberi keampunan kepada hamba-Nya yang bertaubat pada sepanjang Syaaban yang penuh rahmat.

Allah berfirman melalui Surah Ali Imran melalui ayat 133:

وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا السَّمَاوَاتُ وَالْأَرْضُ أُعِدَّتْ لِلْمُتَّقِينَ ﴿١٣٣﴾

Maksudnya: “Dan bersegeralah kamu (mengerjakan amal kebaikan untuk) mendapatkan keampunan daripada Tuhanmu, dan syurga yang luasnya seluas langit dan bumi yang disediakan bagi orang yang bertakwa.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



Khutbah Kedua Bulan Februari

2024M/ 1445H

الْحَمْدُ لِلَّهِ عَلَى أَلَايِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزَنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah
sekalian agar terus memberikan sokongan padu tanpa berbelah-bagi
kepada penduduk Palestin yang sedang dizalimi oleh Regim Zionis
melalui serangan tanpa henti di Gaza dan Tebing Barat.

Semoga Allah سُبْحَانَهُ وَتَعَالَى menganugerahkan kejayaan, keselamatan
dan kesejahteraan buat seluruh umat Islam serta rakyat Palestin khususnya.



Semoga bumi Palestin kembali aman dan makmur di bawah rahmat Allah
سُبْحَانَهُ وَتَعَالَى

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوَلَاةَ أُمُورِنَا.

اللَّهُمَّ أَعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانْصُرْ مَنْ نَصَرَ
الدِّينَ،

وَاخْذُلْ مَنْ خَذَلَ الْمُسْلِمِينَ، وَأَعْلِلْ كَلِمَتَكَ إِلَى يَوْمِ الدِّينِ.

اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيْمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri
Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta dapat



mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥٠﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥١﴾